

記蒲石河

古水

壬辰年九月初四 / 2012-10-18

皇明嘉靖四十四年，遼左逋匪作亂，海東貢道爲塞，撫按李輔奏請經略，兵部覆置定遼右衛于鳳凰堡，後遂稱其地鳳凰，今之鳳城也，城北距瀋陽四百餘里，南近安東，其東寬奠，其西岫岩。

蒲石河者，鳳城名勝，俱遼東海隅，擁長白餘脈，崇嶺競立，險山林起，風景卓犖，森木幽懋。

余置身谷間，恍惚自隔于囂世，惟風鼓葉唱、溪漸鳥語。漫丘楓槭亦不知何人濡染，通體盡赤，燧勝烈火，勢同焚天，若紅日朝陞，披霞溢彩，又若地火洶湧，裂土噴漿。山色熊熊，燃豪氣于胸中，祛秋寒如殲賊寇，好似痛飲老酒，三碗灼腹，淋漓酣暢。

王文公曰：世之奇偉、瑰怪、非常之觀常在于險遠，然則彼時之險遠，而今之世更復何難哉？